



Alver kommune

Saksbehandlar, innvalstelefon

Hege Brekke Hellesøe, 5557 2352

Uttale - Endring - reguleringsplan - Fv. 5310 Fosse - Moldekleiv - oppgradering av Fossekrysset, planid. 125620160012 - Alver - (Meland) - 25/170 m fl - Fosse - Moldekleiv - fv 245 - detaljregulering

Vi viser til brev frå kommunen datert 14.08.23. Saka gjeld endring av reguleringsplan fv. 5310 Fosse – Moldekleiv med oppgradering av Fossekrysset etter reglane om forenkla prosess i plan- og bygningslova § 12-14.

Gjeldande reguleringsplan vart vedteken 18.02.2021, og detaljprosjekteringa av byggeplanen vart starta våren 2022 av Rambøll, på vegne av Vestland Fylkeskommune. Gjennom arbeidet med byggeplanen for vegstrekninga vart det avdekkja behov for fleire mindre justeringar i reguleringsplanen. Det er no utarbeidd nye plankart der alle justeringane er innarbeidd, reguleringsføresegnene til planen er oppdaterte, og planomtalen er revidert i tråd med endringane.

Statsforvaltaren sine merknader

Dokument med oversikt over endringane, gjer greie for ein god del mindre endringar i planen. Statsforvaltaren kan ikkje sjå at endringane er i vesentleg strid med statlege omsyn som Statsforvaltaren har ansvar for. Statsforvaltaren har likevel nokre merknader på temaa kantvegetasjon og massehandtering.

Kantvegetasjon

Planendringane legg opp til at færre bekkar vert lagt i rør, og dette er positivt for vassdraga. Vi ønsker likevel å peike på at kantvegetasjon i liten grad er omtalt i planarbeidet. Statsforvaltaren viser difor til vassressurslova § 11, der det står at langs breidda av vassdrag med årsikker vassføring, skal det oppretthaldast eit naturleg vegetasjonsbelte som motverkar avrenning og gjev levestad for plantar og dyr. Breidda på kantvegetasjonen kan settast i reguleringsplanen, men den kan ikkje settast til 0 meter jf. Ot.prop.nr. 39 (1998-1999). Om det er naudsynt å fjerne eksisterande kantvegetasjon, må ein søke om fritak til Statsforvaltaren frå vassressurslova § 11 første ledd. Det er berre om det er gitt eit slikt fritak at det kan planleggast for fjerning av kantvegetasjon. Når ein no endrar reguleringsplanen kan ein samstundes sjå på dette temaet. Om ein vel og ikkje gjere dette, vil



vi minner om at det kan vere naudsynt å søke om dispensasjon for fjerning av kantvegetasjon, sjølv om dette er i samsvar med reguleringsplanen.

Masshandtering

I planendringa er det tatt vekk eit areal for deponering av massar, mellom anna fordi det er vanskeleg å realisere. Her var planen å utvide dyrka mark-arealet, slik at ein kjem ut netto positivt i forhold til fulldyrka mark innan planområdet. Vestland fylkeskommune har planlagt at reine jord- og steinmassar frå veganlegget, skal bli deponert på Espetveit, som ligg i omlag 2 km nord for planområdet. Statsforvaltaren har uttalt seg til dispensasjon for deponi på Espetveit i brev datert 31.05.23, og vi viser til dette brevet. Det er noko uoversiktleg at desse sakane ikkje vert handtert saman.

Vi viser til ressurspyramiden som bør nyttast ved handtering av overskotsmassar av jord og stein som ikkje er forureina:



Statsforvaltaren er oppteke av at massehandtering skal vere i samsvar med ressurspyramiden. Vi er usikker på om den er det her. Omgrepa deponi vert nytta, og deponering av massar skal ikkje skje med mindre både avfallsreduksjon, gjenbruk og gjenvinning er vurdert først.

Konklusjon

Statsforvaltaren rår til at ein ser på temaa kantvegetasjon og massehandtering i revisjon av planen.

Med helsing

Egil Hauge
seksjonsleiar

Hege Brekke Hellesø
seniorrådgjevar

Dokumentet er elektronisk godkjent

Kopi til:



Vestland fylkeskommune

Postboks 7900

5020

BERGEN